

BASES PARA A SELECCIÓN DE PEONS PARA A CREACIÓN URGENTE DE BOLSA DE EMPREGO PARA SERVIZOS DO CONCELLO DE SANXENXO.

PRIMEIRA. OBXECTO DA CONVOCATORIA

O obxecto desta convocatoria é a creación dunha bolsa de contratación laboral temporal de peóns para o reforzo do Servizo de limpeza de praias do Concello de Sanxenxo e obras durante a tempada de verán, da cal, por orde, farase chamamento dos aspirantes necesarios, segundo as necesidades do servizo. A modalidade contractual será a contratación por obra ou servizo a tempo parcial por 25 horas á semana. (Podendo variar segundo o contemplado na letra b) da base 2ª).

SEGUNDA. CONDICIÓNS DOS CONTRATOS DE TRABALLO

a) A modalidade contractual será a duns contratos de duración determinada por obra ou servizo, a tempo parcial, cunha xornada semanal de vinte cinco horas. En concreto o servizo consistirá no reforzo de servizos municipais entre os que destacan a limpeza de praias do noso Concello e reforzo a servizos de obras, a contratación farase ó amparo do disposto no apartado 1 a) do art.15 do Real Decreto Lexislativo 2/2015, de 23 de outubro (B.O.E. 24-10-2015), por o que se aproba o texto refundido da Lei do Estatuto dos Traballadores.

b) De ser o caso, por a concesión de axudas ou debida a urxente e motivada necesidade, poderase ampliar a xornada e a duración do/s contrato/s de un ou varios traballadores, a través da correspondente modificación asinada por ámbalas partes.

c) Os servizos comezaránse a prestar no mes de xullo de 2017.

d) A retribución será de 572,37 euros brutos / mes por tódolos conceptos. (Podendo variar se e seleccionado a través do contemplado na letra b) desta base).

e) A xornada será por 25 horas semanais de luns a domingo, co descanso proporcional correspondente. (Podendo variar se e seleccionado a través do contemplado na letra b) desta base).

f) A actividade fundamental céntrase no baleirado de papeleiras das praias, retirada de residuos da área de limpeza en zonas verdes anexas ás praias, incluídos paseos, sendeiros e vías de acceso recollendo os residuos e facendo un mantemento de desbroce, limpeza e nivelación da area nas saídas naturais de augas pluviais. Retirada de algas de traslado a vertedoiro autorizado. Recollida, retirada e transporte a vertedoiro autorizado ou centro de tratamento autorizado de calquera residuo depositado na area, incluíndose animais mortos, produtos envasados perigosos ou non, restos orgánicos, hidrocarburos, todo baixo a supervisión e control das concellerías de persoal, servizos e medio ambiente. Poderase organizar unha cuadrilla de traballo para reforzo de servizos de obras entre os cometidos estarán os de reparacións, montaxe e desmontaxe de estruturas para eventos, transporte e colocación de materiais, entre outros.

TERCEIRA. CONDICIÓNS DOS ASPIRANTES

a) Ter a nacionalidade española, sen prexuízo do disposto no art. 57 do Real Decreto Lexislativo 5 / 2015, do 30 de outubro, do Texto refundido do Estatuto Básico do Empregado Público, respecto do acceso ó emprego público de nacionais doutros estados.

b) Ter cumpridos os dezaseis anos de idade e non exceder, no seu caso, da idade máxima de xubilación forzosa.

c) Posuír a capacidade funcional para o desempeño das tarefas habituais do posto ó que aspira.

d) Non estar separado mediante expediente disciplinario do servizo de calquera administración pública ou en calquera dos supostos que contempla o Real Decreto Lexislativo 5 / 2015, do 30 de outubro, do Texto refundido do Estatuto Básico do Empregado Público.

e) Ter ingresado na conta bancaria de ABANCA nº nº ES 12 2080 5061 45 3040005803 a cantidade de 5,16 euros fixada como dereitos de exame, na ordenanza municipal publicada no BOP de 15 de decembro de 2011. Aqueles aspirantes que presenten a tarxeta de demandante de emprego en vigor estarán exentos do pago dos dereitos de exame.

CUARTA. PRESENTACIÓN DE INSTANCIAS

As instancias solicitando tomar parte do proceso selectivo, no que os/as aspirantes deberán manifestar todas e cada unha das condicións esixidas para tomar parte da convocatoria dirixiranse á Sr. Alcalde do Concello de Sanxenxo, presentaranse no Rexistro Xeral do concello de 9:00 á 13:00 horas, dende a publicación do correspondente anuncio nun dos periódicos de maior circulación da provincia **ata o venres 15 de xuño de 2018 (ámbolos dous inclusive).**

Xuntarase o modelo de instancia, debidamente cumprimentada e que se pode recoller no Concello ou na páxina web (OS ASPIRANTES DEBERÁN TRAEER AS COPIAS, NON SE FARÁN COPIAS NO CONCELLO):

- Fotocopia do D.N.I.
- Xustificante de ter ingresado dereitos de exame ou tarxeta de demandante de emprego en vigor.

Aquel aspirante que presente documentación noutro rexistro válido a través de correo deberá enviar fax o Concello (Fax: 986 721 022)

QUINTA. ADMISIÓN DOS PARTICIPANTES

Rematado o prazo de presentación de instancias o tribunal cualificador publicará a acta ca listaxe provisional de admitidos e excluídos (nun prazo de 2 días), así como as causas da súa exclusión. Esta acta será publicada no Taboleiro de Anuncios do Concello e na páxina web (www.sanxenxo.es). Os aspirantes excluídos disporán ata o día antes das probas para a corrección dos defectos ou omisións así como para efectuar reclamacións.

SEXTA. PROCESO DE SELECCIÓN DOS ASPITANTES

Realizarase mediante oposición (0 a 10 puntos):

Primeiro e único exercicio o cal suporá o 100% da oposición, consistirá nunha proba oral na que se valorarán aspectos relativos aos coñecementos do aspirante como peón de limpeza de praias, coñecemento do municipio, dispoñibilidade de vehículo, dispoñibilidade horaria, experiencia, antigüidade en desemprego, cargas familiares e niveis de rendas (aspectos os cales deberán poderse acreditar documentalmente se así o require o tribunal).

En calquera momento os aspirantes poderán ser requiridos para acreditar a súa identidade, deberán presentarse as probas provistos do documento acreditativo da mesma. Os aspirantes serán convocados en chamamento único e a non presentación no momento de ser chamado suporá a súa exclusión do proceso selectivo, agás nos casos de forza maior debidamente xustificados e apreciados polo Tribunal.

A orde de prelación dos aspirantes que superen o proceso selectivo efectuarase de acordo cas puntuacións finais obtidas. Esta bolsa de emprego estará vixente durante o ano 2018.

Os/as aspirantes seleccionados/as deberán cumprir os requisitos esixidos para tomar parte na convocatoria contidos na Base segunda das presentes Bases unha vez se produza o seu chamamento para a prestación de servizo, no prazo de dous días momento no que serán sometidos, se a corporación o estima oportuno, os recoñecementos médicos precisos en orde a determinar a súa aptitude para o normal desempeño da función.

Estableceranse nos contratos un período de proba de 15 días naturais dende a data de alta, período durante o cal, sen previo aviso poderá rescindir-se o mesmo por calquera das partes.

SÉTIMA. CELEBRACIÓN DAS PROBAS SELECTIVAS

As probas realizaranse o **MARTES 19 de xuño de 2018**, no pazo Emilia Pardo Bazán en Miraflores, s/n. O tribunal establecerá varias quendas as cales se porán en coñecemento o día da publicación dos aspirantes admitidos e excluídos (dentro dos 2 días despois da data de finalización de presentación de instancias), publicándose o anuncio correspondente no Taboleiro de Anuncios e na páxina web do Concello de Sanxenxo.

OITAVA. TRIBUNAL CUALIFICADOR

O Tribunal deberá constituírse na data que designe o alcalde - presidente, entendéndose validamente constituído cando asista a maioría absoluta dos membros, titulares ou suplentes. Na sesión constitutiva adoptaranse as decisións pertinentes para o correcto desenvolvemento das probas selectivas.

A partir da sesión de constitución o tribunal, para actuar validamente, requirirá a presenza da maioría absoluta dos seus membros, titulares ou suplentes.

En caso de ausencia do presidente e /ou secretario actuará no seu lugar o vocal titular, actuando como vocal un dos suplentes.

PRESIDENTE : Luís Ángel Sabaríz Rolan, tesoureiro do Concello de Sanxenxo.

SECRETARIO : Teresa Reyes Martínez, funcionaria do Concello de Sanxenxo.

VOCAIS : Francisco Javier Outón Martínez, servizo limpeza de praias.

Manuel García Castro, servizos de parques e xardíns.

Carlos Názara Durán, servizos de obras.

ASESORES: Carlos Granjel Dios, técnico de emprego / persoal do Concello de Sanxenxo.

SUPLENTES: Teresa Amado Moldes, funcionaria Concello de Sanxenxo.

Aquilino González Pérez, funcionario do Concello de Sanxenxo.

Teté Lorenzo Corcoba, funcionaria do Concello de Sanxenxo.

NOVENA. INCIDENCIAS

O tribunal queda autorizado para resolver as dúbidas que se presenten e tomar os acordos necesarios para a boa orde do proceso selectivo en todo o previsto nestas Bases.

Sanxenxo, 08 de xuño de 2018.

O alcalde,

Telmo Martín González.